

省

齋

集



滕錄監生臣富琳

滕錄監生臣汪麟

欽定四庫全書

有齋集卷三

宋 廖行之 撰

此言律詩

豐城舟中

路過江湖路幾千
買舟因得憩江天
不嫌煙水牽離恨
要挾沙鷗睡醉眠
南浦春深波漲岸
長蘆風寢浪平川
生涯盡在長年
老夜半擊音月滿船

上湖南孫漕四首

湘郡湘城四十餘賦租無爽歲無虛三年自是澄清澤
一吏何能撫字書底事古人勤勸課由來國計在閭閻
南陽誰守蒲誰宰更賴褰幃使者車

湘水湘江袞袞流南連五嶺北荊州造船行粟無遺算
自葉流根皆運籌國計已多劉晏策民情滋欲寇恂留
善刀莫起庖丁念何止恢恢十二牛

湘俗湘人百不憂口無異論只歌謳皆言此日孫夫子
還是當年郭細侯不信民情容易得可能仁聞鎮長流

而今九郡皆膏澤看取黃雲萬頃秋

湘雨湘田處處同誰知公意與天通愛民天亦憂民事
望歲公應喜歲豐自古強兵先足食從今積粟可平戎
關中事業非難辦要看他時第一功

代送王守赴湖北漕

紫泥芝檢下遙天綉斧榮更竹使權六轡周王新禮樂
重湖楚國舊山川澄清風采生麾節眷倚精神跂遽經
早晚沙堤歸步穩二台齊色耀星躔

和丙午衡州鹿鳴宴詩

丹詔飛來萬國春
掄才美意屬賢臣
幾年志氣風雲壯
一旦聲名日月新
好把良籌裨負展
莫貪香餌墮垂綸
來年上國風光好
喜帖西馳沸路塵

和石鼓宴士二首

幾年蓬藿翳儒宮
文物新還俎豆中
幸甚諸生初見武
歡然置酒更親崇
晴收楚嶠千峰雨
薰奏虞絃萬籟風
須信廉平漢循吏
可能齊魯化蠶叢

江頭秀木碧參空喜見新晴到眼中
秩秩北林筵有序
潭潭東閣禮尤崇
廣平元老今賢傑
江左夷吾正祖風
况復贛君宗教養
清陰到處綠成叢

上湖北趙司倉三首

君侯德業簡淵衷
亟上朝端望寢隆
鵷鷺羽儀從北闕
駉駉禮樂正西風
六條郡國褰帷裏
萬里沅湘攬轡中
早晚詔書歸衮舄
由來周召合三公

黼扆天高德意深
恩言臨遣重丁寧
九霄雨露新英節

金定四庫全書
卷三
一日風雷徧洞庭財力定能均息耗米鹽因得裕常經
如今想見南翁喜長望吳頭認使星

廷尉年來犴獄清更憑藻鑑惠諸生新竒往往多聞罷
朴魯區區亦竟成已見規撫通造化會看勲業正鈞衡
先生小試澄清手天下顒顒望太平

送黃尉解官因簡黃德亨

夫君解組去通泉十幅風帆下碧川寶劍詩成光射斗
扶搖路穩翼垂天湖山桂老乘秋興越水梅開近日邊

丹宸須賢方側席會聽鳴履上星躔

平生飽聽無雙譽一見全勝得異書妙語從君聞梗概
清尊酌我更躊躇希蹤伯氏情何限惜別吾曹意有餘
若見滁州新博士為言湘水媿汙渠

病中寄武公望二首

四十餘年尚轉蓬渠論南北與西東但知愛子三遷教
不辨謀生一畝宮北海可憐真意廣步兵良苦漫途窮
人生擇術須循分鵬鷃逍遙自不同

輕去千金若棄遺高情勇決固應稀
端來共我茅一把不肯折君腰十圍
世事彈棊無定局人情蒙寡有深機
生涯也趁身強健況是平陽德可依

無題

生憎城裏只塵埃勝處何妨特地來
況是近郊新雨歇可能乘興一樽開
春隨使者輶車至花倩梨園羯鼓催
來歲披香侍華宴也應猶記此低徊

逸興飄飄鶴九臯涼州那得賣蒲萄
一從卜築東山勝

便覺聲名北斗高
手種百花從日涉
心澄萬慮弭湯鑒
主人已作騎鯨去
誰與鴻濛共勝遨

用韻雜興

夏葛冬裘等一衫
飛黃跋鼈謾同驂
人情展轉憐風月
世路沈迷泣北南
我已灰心忘厚味
誰其緘口罷游談
如今欲問西來意
便掛僧牌報放參

萍鄉道中

萍實鄉中雨初歇
野溪流水奔驚湍
蠶功欲登蠶婦急

春陰已濃春事闌飛綿漫空白雪舞疊巘插漢青螺攢
家山歸去此無幾眼底已作瀟湘看

宜春道中

路轉溪回幾曲村溪頭流水去渾渾農忙野叟朝耕隴
蠶老人家晝掩門游子漫憐春色晚故園應想綠陰繁
歸歟屈指無多日夜雨團樂酒一尊

覓酒於宋伯潛

典衣無策漸朝衫早計君毋笑拊騶未辨墻頭仍甕下

空哦斗北與箕南
蒲萄不作涼州想
庚癸猶酬褐父談
折簡更招花下飲
可能離坐亦容參

和武公望從人覓酒二首

野店醪香尚帶煙
中山醞久漫經年
公營惡草安吾分
太白高吟羨子先
好辦一尊常對月
誰能百斛更浮川
正須澆我談天口
富貴浮雲且任緣

春愁滿眼久驅除
嬾問生涯念及孥
但得論文畱客醉
不妨問字到山居
寒收凍面應浮蟻
暖入芳腴可泛酥

金華四庫全書
卷三
便欲呼兒洗杯酌陶然應許及波餘

又次韻二首

幾日春寒似禁煙杜門渾欲任流年得錢相覓非難辦
載酒來過定孰先無奈梅邊虛勝踐遙憐柳外漲晴川
佳時縱意須從事莫笑幽人也化緣

年來那復不時須斗酒珍藏敢罪孥安我饋漿窮逆旅
有誰携榼訪幽居麤梁何擇皆庚癸題品寧當辨酪酥
自笑悲辛慙杜老却愁人不食吾餘

棄屣有感

踏遍關山日幾西周旋步武鎮相依居貧原憲履長決
戰罷吳王屨不歸已類憊韡無復召空慙釋屨頓成非
塵勞棄屣今何有縱爾雙鳬自在飛

宋伯華趨朝用川字衫字韻作二詩送之

微雨輕寒透客衫十分秋色相征驛人占逸駕應空北
君自良圖已運南須信由來非枉尺誰云領取勿多談
而今吐握逢知己會聽新除趨六參

馳名衮衮甚長川君獨乘風萬里船得意正看期汗漫
趨時寧肯媚連娟升沈百辟方公道扶植斯文要衆賢
元獻景文今棣萼還須柱石漢中天

送鮑判官解官歸浙西

蚤行吳越得清名歲久湘中始識君人物自堪交仲父
才華端可繼參軍一州從事曾游刃萬里封侯好策勲
江上今朝話離別西風吹起楚天雲

送樂貢父赴書館